



-Pamebham

"Nimlɔɔ : 003 =Zaɔ' bho =glööbɔ -kwɛ 2005 "su -bha 'sëédhe -mü "Gwɛɛtaawo

WɔN -TAɔNG -MA 'GÜ 'SËÉDHE

'Sëédhe ya -yë -kë -mëwɔn 'gü ?

Dhiang -wo -tiaandhe

-Më 'ö -kë 'yö bhii ü -de -wo pö ? Sëédhe 'ö ya -yö -kë ü -de -wo 'gü -mëwɔn 'gü, 'yö 'yii kë "Kwi -wo, "Dhima -wo, 'Glɛɛ -wo -nu 'gü ?

-Ya 'ö -wo kwa -wo 'gü bha, -yö -kë "dhü kö -ya -zɔn kwa -dhe -blɛsü 'gü =dhe kwa -dega -wo 'ö -kë =Danwo 'ka bha -yö =bhlëë -sü 'pö. -Wo -nu 'ö -Zlan -ya -nu -da bha, -a "wɛɛ 'bha 'yaa =bhlëë -sü kö -yö ziö- 'ka- 'bha -ta. 'Pë 'ö -a -dhe 'dhö -bha kö 'kwa- kë, yö -mü =dhe kö 'mɛ 'ö "dhü -yö =bhlëë -ya ö -de -wo -bha kö -yö kë -tiaandhe -wo "wɛɛ pö -mɛ -nu "yan 'gü "kpungtaa. Yö =në- -wɔn 'gü, =ya kë =dhe 'bhaa dɔ ü -de -wo -wo pö -dhe 'ka, kö -a -dhe -ya -bha kö 'ö sü =dɛɛ -bha, 'ü -ya -a draan- -sü -bha.

-A =ple -naa -mü =dhe -yö -ya kwa -de -wo 'gü "dhü kö 'wɔn -nu 'ö 'wo -kë kwaa- =Danwo pö "pɛɛn -ta, 'wɔn -nu 'ö 'wo -kë kwaa- 'Kɔdivua -sɛ 'gü, 'wɔn -nu 'ö 'wo -kö "kpungtaa kö 'kwa 'dho kë- -a -nu =gban -wɔn 'gü tii, "kɛɛ kö 'kwa -a 'bha -nu ma.

=Ya 'go mü, -a -dhe -ya -bha kö bhi 'ö 'ü 'sëédhe ya -a -wo pö sië bha, 'ü kë =dhe mɛ 'bha 'ö 'wo Samadhi mi -kë -a 'dhö. 'Mɛ bha 'yö -kpan mɛ dɔ -bha ziaa -ta kö 'wɔn yaa kë -mɛ -nu -waa -gi, 'yö dho- 'ka 'yö 'wo- "dhe -kë, 'yö -kë

"klüüklü. =Ya kë =dhe Samadhi mi 'kö bha 'yii kë nu 'nu 'mɛ bha- -dhe, -mëwɔn 'ö gun yöö- "dhiü =sɔɔ ? 'Mɛ 'ö 'wo- -gi bha -yö -mɔɔ -bha 'nu 'ö ga. 'Kwa- pö "dhü kö kwa- -pö =dhe kö 'bhii kë dɔ ü -de -wo -go "gbu- kö- =bhlëë -yö kë- -bha, "tüng 'bha -yö -dho -wo 'ö -kë =dhɛng -pë 'ka, 'ö go "sɛ -bha. =Ya 'go mü, bhi 'ö 'ü dɔ ü -de -wo -ya -dhe 'ka bha, ü këyɔɔ -ta 'kun. Nu -a -dhe. Kë =dhe Samadhi mi bha- 'dhö.

=Ya kë =dhe 'wɔn 'bha 'dhö ü -go kö 'ü- pö yi -dhe 'ö -gban kwaa- =Danwo "sɛ 'gü -wɔn -bha, yii- 'drɛsü =nɛ: 08 bp 857 Abidjan 08. Bureau Dan.



Kwaa- =danwo pö "sɛ 'gü -wɔn

'Wɔn 'ö -gban =klang- -kë kwa -de -wo 'gü -sü -bha

Mɛ faan dɔ -wɔn 'bha =në 'ö yö. -Gblü -bha -kë kwaa- "pɛɛn -ta -sü =gban 'gü, =klang- 'ö -kë kwa -de -wo 'gü bha 'yii kë 'gbaannu "Maa "sɛ 'gü. =klang bha -yö 'dho -sü 'ka "dhiü -së 'ka. Kwaa- 'në 'ö 'wɔn bha -a -go 'ö yö -sü 'ka- -bha "tüng ya- 'gü, yö -mü "Zɛ Emaniedhö 'ö go Klüügwinng, 'ö -kë 'zü 'sëédhe -nu 'ö 'wo kwa -de -wo 'gü -a "dhɔɔ dɔ -mɛ 'ka "Maa "sɛ 'gü, 'ö -bhɔkwëë -kë =dheglizö UEESO 'gü "Maadhö, =në- -bha. "Kwi -a "su 'ö -kë Avril 'ka 'ö 'kwa 'go sië- 'gü, 'ö

'kwa -dhe 'Dannëng -wo 'gü =Zaɔ bho =glööbɔ bha, -a -dhekpacyi "saɔdo (6) 'ö bha, "Zɛ waa- kwa dheebhang -nu 'ö 'wo go "Lugwaa "sɛ 'gü, 'ö 'wo -kë mɛ -nu =klang- kë -mɛ -nu 'ka Danwo 'gü bha, -wo kë -yakwëë 'kpü- -kë -a 'ka "Lugwaadhö. -Wo kë -yakwëë bha- -kë «dhü ü kö yë bha 'wo- kë sië -kö 'ö- -bha, 'ö 'dho sië "dhiü -së 'ka -kö -nu 'ö- -bha, kö 'wo- pö wo 'ko -nu -dhe. -Yö "dhü tɛan- 'ka =dhe -gblü -a "pɛɛn -ta -dhe -mü, "kɛɛ -Zlan "nuwɛɛ; yë bha kwaa- 'në -nu bha, -wa -bha -dedewo -së 'ka. "Maadhö Liblövüdhö =klang- -kö dɔ (1) -yö mü. -Dɔyagwinng, -a dɔ (1) -yö mü. 'Mɛ 'ö- -gɔmɛ 'ka yö -mü madamö "Sadhiëë 'ka. Blungdhö "sia- =yën, =klang- -kö "sɔɔdhu (5) -wo mü. -'Mɛ 'ö- -nu -dhe "dhiü, yö -mü "Go- Zülö 'ka. "Sanggwinng, -a dɔ (1) -yö mü. "Zɛ Emaniedhö dɔ bha =në 'ö- -gɔmɛ 'ka. Klüügwinng, -a dɔ (1) -yö mü 'ö "Sëë Denisü 'ö- -gɔmɛ 'ka. "Lugwaadhö, -a -yiisö (4) -wo mü. -A 'gbɛ 'bha -nu -wo -dhö Gbiangwinng "sɛ 'gü. =Ya kë "dhü kö kwaa- 'në -nu bha, -wo yë bha- -bha -dedewo. Kö Atanna -ya -nu gba faan 'ka -wo 'dho- 'ka "dhiü bha 'aa -yö kë -oo ?

L'orthographe DAN

Voici ce que nous pouvons utiliser pour savoir lire et écrire en langue dan.

Les consonnes et les voyelles que vous ne voyez pas ici sont les mêmes qu' en français.

Attention:

1. c, h, j, qu et x n'existent pas en dan.

2. r ne se trouve jamais au début d'un mot.

Voici le reste de l' alphabet :

Lettres	Exemple	Traduction
Aa	"kaa	<i>gale</i>
An	"gan	<i>tirer</i>
Aan	saan	<i>cadeau</i>
ao	kaɔ	<i>perdrix</i>
aɔn	'daɔn-	<i>araignée</i>
bh	-bho	<i>cabris</i>
dh	dhe	<i>mère</i>
ee	=wee	<i>sel</i>
ɛ	"pɛ	<i>déchirer</i>
ɛɛ	=wɛɛ	<i>moquerie</i>
ɛn	-ɛɛn	<i>nied</i>

ëë	"këë	<i>daba</i>
ën	'kën	<i>rassasier</i>
ëën	=klëën	<i>entourer</i>
ɛa	"kpea	<i>sec</i>
ɛan	gean"	<i>scorpion</i>
gw	-gwë	<i>caillou</i>
in	"bin	<i>fleur</i>
iin	"iin	<i>ou</i>
ɪ	"wɪ	<i>parler</i>
u	"gbu-	<i>fort</i>
kw	=kwaa	<i>main gauche</i>
ng ¹	gbeng	<i>nuît</i>
oo	-zoo	<i>chenille</i>
ɔ	'pɔ	<i>credit</i>
ɔn	"yɔn	<i>huile</i>
ɔɔn	=yɔɔn	<i>sang</i>
ö	pö	<i>dire</i>
öö	töö	<i>panier</i>
u	"su	<i>lune</i>

ü	'gü	<i>intérieur</i>
üü	"güü	<i>amère</i>
ün	=blün	<i>miette</i>
üün	glüün	<i>rouler</i>
ü	"gü	<i>brûler</i>
üü	"bhüü	<i>tarir</i>
u	"tu	<i>oreille</i>
uu	"tuu	<i>sauce</i>

-Wo 'dho -kö (Les tons)

très haut	"dhü	<i>arbre</i>
haut	'ko	<i>maison</i>
moyen	dë	<i>père</i>
bas	=zɛ	<i>termite</i>
très bas	-dho	<i>amour</i>
très haut + très bas	"klang-	<i>singe</i>
haut + très bas	'yënn-	<i>soleil</i>
moyen + très bas	saa-	<i>savon</i>

'Wɔn 'ö -gban Diksiɔngdheɛ 'sëedhe -bha

'Sëedhe, 'ö -wo kpö 'gbɛ, 'ö -dhe
'dhü -a 'klɔɔ -'dodo dho kē -'gü: -kwa -
de -wo 'gü, 'kwi -wo 'gü, Dhuusi -wo
'gü, 'Glɛɛ -wo 'gü, -a -wɔn -yö "sia-
-Wa -dhe "kwi -wo 'gü diksiɔngdheɛ.
M ɛ -nu -wa -yë -bha

'Sëedhe 'ö "dhü bha, -a kē -sü zü -
yö -bho -kwe "gblü =plɛ waa- ö ga do -
naa 'ka. =Ya kē "dhü kö -a -kwe -yiisiö -
naa nü 'ö ya. Kwaa -dhɛng -nu 'ö 'wo
-kē "Kwi "puu -nu 'ka, 'ö 'wo go "segɔ 'ö
'wo- Dhuusi -kē -a 'gü, 'ö yë 'dhe bha

'wo- "yan do 'gbaandhö, nü 'ö 'wo yë
bha- bha. -Wa mɛ do -dhe Vidrinö
Valanngtɛn 'ka, 'yö 'wo- mɛ do -dhe Ana
ɛɛmanö. 'Mɛ 'dhe -nu 'ö -nu "saa- 'gü -
dedewo 'ö "kwi -nu bha 'wo nu yë bha-
kē bha, wo -mü Maagödhitö Boli 'ö
'kwa- 'tɔ kpɔ 'Wɔnsë bha waa- Toma
Beaatö 'ö =ya gun =ya =gwëë -
Gbiaa "sɛ 'gü, 'a -nu 'ka. =Dhuusi "kwi -
nu bha, woo do 'waa mü 'ö 'wo yë 'ö
"dhü bha- bha. Kwa -dɛga -a 'në =plɛ
'wo -kē 'sëedhe -slëëtə -mɛ -nu 'ka kwa

-de -wo 'gü, weng- -nu nü yë bha 'wo-
kē -sü 'ka -dedewo. -Wa mɛ do -dhe
=Kesi Dhifɔngsi. Yö nü waa- Vidrinö
'wo- -bha "Gwɛetaa -wo 'gü. 'Yö 'wo-
mɛ do -dhe Lo Zafe. Yö nü waa- Ana
ɛɛmanö 'wo- -bha Blowo 'gü 'pö. =Ya
'go 'sëedhe bha- 'gü, -a "wɛɛ 'gbɛ 'bha
-nu -wo mü 'ö 'wo- -bha. -Kwaa 'gü ma
=dhe 'sëedhe "pɛpɛ bha -wo -kē "dhü kö
kwaa- =Danwo 'ya 'dho kē -ga -bhaa
'gü -pë 'ka.



Kwaa- "Kɔdivuaa -sɛ 'gü -wɔn

'Wɔn 'ö -gban =klang- "gblügbli -nu 'ö 'wo Nivɛɛsite -a -nu -bha

'Wɔn -së 'bha 'ö =klang-
"gblügbli -nu 'ö 'wo
Nivɛɛsite waa- -naa =klang-
-gɔmɛ -nu -wa -da 'gü yö =nɛ.
=Dhe 'ö woo -dede 'wo
'yaannu, 'ö 'wo wo -zo gɔn,
'yö 'wo pö =dhe 'ö -kē =dhe
woo- =klang- -kɔ -nu,
'sëedhe -wo pö -dhe 'ö -kē
=dhe 'sëedhe -yö -gun yöö
kē 'nu mü, kö -wa =loo mü -
wo 'yaannu -wa -nu -wo pö
bha, -a pë =gban kē zii, 'mɛ
'ö yöö do -a -nu -gbangɔ kö -
dhe -nu 'ö 'wo bha -wo -pë
kē, 'yaa 'dhö, 'yö woo -dede
'wo wo -kɔ -da 'wɔn bha-
'gü. -A zü -yö -bho =klang-

'dhe -nu 'ö 'wo =klang-
-kē Nivɛɛsite -dhe 'dhe 'ö
Kokodi -dhe 'gü, =në -a -nu -
ta. =Klan- -nu bha 'yö mɛ do
-yö 'wëë- kēng do (500 frs)
bho, 'yö -naa =klang- -gɔ -
mɛ -nu bha 'mɛ 'ö "dhü 'ö
'wëë- "gblü do (5000 frs)
bho. -Wa zü -bho "dhü "kwi
-a "su 'ö -ziö 'ö 'wo Mars
-kē, 'ö 'kwa- -dhe 'Dannëng
-wo 'gü << -Zaka -ya bho >>
bha- 'gü. 'Wëë- 'dhe 'ö -waa
=slɔɔ =kö -ya kē "milɔng -
yaaga waa- 'wëë- "gblü
kēng do ö -kɔ =plɛ
(3.600.000). =Klang- -gɔ -mɛ
-nu waa- woo- =klang- "dhiü

'në -nu bha -wa -kē "dhü kö
guvɛɛnöma -yö "kan 'në
'bha wo ö -ta. -A -dhe -ya
-bha =dhe yö =në -a -bha yë
'dhö -mü 'nu. Kwa -wo -ya
'gü do 'yö 'kwa =klang- -nu
bha -a -nu nuwɛɛ -dede bho.
Atanna -ya -nu -kɔwɔn dhi.
-A -gɛn -mü =dhe 'ö gun
-blɛɛsü =ya kē =dhe -kɔ 'ö
bha- 'dhö kö -nu =klang- kē
-dhe 'yaa -tiaandhe, pë see-
=në 'ö 'wo- wo, 'ko =në 'ö
'wo- zë 'yö mɛ 'dhö ga, 'ö
=bhlëë 'yaa -ya =klang- -gɔ
-mɛ -nu oo, didhetëë -nu oo,
-a -nu -bha =klang-
"kwanngdhe "gblügbli -nu

bha, -a -nu 'gü. =Ya kē "dhü
kögen -dee -së =në kwaa-
'në -nu 'wo- sü bha.

=Ya 'go mü =klang-
"kwanngdhe bha, -a 'dhe 'ö
-Buakɛɛ -a dhi -dee "pu -dhe
'yaa =gblɛɛn 'zü. -Zianwo
=minisü 'ö -kē naɔ -yö mɛ
-bha =minisü 'ka kwa -gɔ "sɛ
'ö ya 'gü, 'ö 'wo- -dhe Soro
Giyɔngmö, -yö "milɔng
"sɔɔdo (6.000.000) nu -sü
'ka kö klang- "kwanngdhe
-dhe 'ö -Buakɛɛ bha, -a -dhe
-nu 'ö 'wo see- -sü 'ka -wa
-nu -pë kē-



Kpungtaadhe -wɔn

'Wɔn -kē -ta "puu 'ka -sü -waa -yaflëë 'gü -sü

Do 'ö 'kwa wo =dɛɛ,
-dhe =gban "pɛpɛ 'gü
"kpungtaa, 'wɔn 'ö -gban
-ya -de 'flëë- 'gü -sü -bha,
'wɔn -nu -kē -ta "puu 'ka
-sü -bha, -a -nu =slɔɔ -sü
=ya kē "gbu-. -A -kē "dhü
-sü bha- 'gü, "kpungtaa,
"pɛɛn 'dhe -nu 'ö 'wo -kē
=Dhamlɛɛkɛɛn "sɛ -gɔ
"dhuü- =yɛn -dhe -nu, "sɛ
-nu 'ö 'wo 'yënnɔ -wo

-zian 'ka, Metii "sɛ -nu, sɛ
"wɛɛ 'bha -nu 'ö 'wo to -a
-nu 'gü, -ya -de 'flëë- 'gü
-sü waa- 'wɔn -nu -kē -ta
"puu 'ka -sü bha, -a -nu
-wɔn -yö kē -sü 'ka "gbu-
-a -nu 'gü. Kē -kɔ yaa- -nu,
-gblü -nu 'wɔn -nu 'ö 'wo
"sɛ -nu dho =taama =në
'ö -wa 'sɔ. -A -kē "dhü -sü
-wɔn 'gü, -yö -së kö 'mɛ 'ö
"dhü dodo 'ka, -yö 'pë 'ö

mɛ =gban -bha 'ka -a -wɔn
'kun "gbu-. 'Ya 'dho- kē-
yöö doseng ö bha pë 'ka.
'pë 'ö nu sië =dɛɛ 'ko -san,
-gblü, "ninaa, 'wɔn yaa suu
=gban -suu 'ka, 'yö bha.

-Yakwëë- 'kpü- 'ö kē -kē
"dhü =mlɛɛkɛɛn "sɛ 'gü bha,
=minitrë 'ö -kē dhebë 'ka
kwaa- 'Kɔdivuaa -sɛ ya 'gü 'ö
'wo- -dhe Zanö Pömo, 'ö yö
nü 'kɔdhi 'gü -wɔn -nu,
dhebë -nu -wɔn, 'në -nu

-wɔn -nu, 'wo -gban -a -bha
bha, -yö -gun -a -ta, waa- ö
-dɔ -bha -nu 'ö 'wo -kē
dhebë -nu 'ka, -a -nu =gban
-wo kē -dho.

'Kwa- pö "dhü kö kwa-
-pö =dhe -a -dhe -ya -bha kö
kwaa- 'në dhebë -nu, kwa
dheebhang dhebë -nu,
kwaa- dhebë -nu, -a -nu
-dho -yö kwa kē kö 'kwa- -
nu -wɔn 'kun "gbu-, 'kwa do
-a -nu -gban -gɔ yi =gban
"pɛpɛ 'ka kwaa- -tosea 'gü.

'Wɔn 'dhe 'ö yö -yö -gban 'yi -wɔn -bha

"Su 'ö 'kwa- -dhe bha- 'gü, -kpan 'kwëë- -kɔ 'kɔɔdhö -wo "yi -see -kɔ 'ö
Dannëng -wo gü -zaka -ya 'ö 'dhü bha, -a -kaɔng do ö -dhi -a -nu -dhe -a 'ka.
bho 'ö 'Kwi 'dhö- -dhe ga -yaaga -naa 'ö gun, 'yö Ü -kë -dhe "vv -dhe
mars, 'ö -ziö yö bha, -a 'kwa "wɔ sië- 'ka bha. -Wa 'ö- -bha, 'ü "yi -zë 'ü mü ü
-dhekpeayi -kaɔng =ple ö bha -tosea -zë 'gü, kö -yö
ga =ple -naa bha, -dhe =dhe 'yi -wɔn bha -së kö 'ü- 'kun -së. -Yö -kë
"kpungtaa -dhe -to 'dhü -sü 'wɔn =bhlëë -sü -dede -mü. -klɔng 'ka, "yi 'tuë- 'ka
-yö kë 'wɔn 'ö -gban 'yi -A -dhe -ya -bha kö 'bhlaadhe -nu 'gü, -yö -kë
-wɔn -bha, 'ö -zo -gɔn -a 'kwa- -wɔn 'kun 'gbu-. "kwi =plöö, baa- -a -bha
-wɔn -ta. -Kwe -ya bho -kɔ 'Kwa 'dho -a see-. Me 'bha -së 'ka, -a 'kun -së. =ya kë
'ö -bha 'dodo 'ka 'yi -wɔn -nu 'ö 'wo mü =dhe 'kö "dhü 'yö 'bha- mü 'yö
'ö bha -wo wo -zo -gɔn -a -kë =dhe 'waa "yi 'dho "yua 'yaa -da ü 'gü.
-wɔn -ta. -A -kë 'dhü -sü bha, =wa kë me -nu -go

Kwaa- "Kɔdivua -së 'gü, minisü 'ö "yi -wɔn -wɔn
waa- "bü -wɔn 'ö -gban -a
-bha, -ya -pö =dhe "yi 'ö kwa
-go "sëedhö -yö 'gbë
-dedewo. "Yi =gblü -nu 'ö-
-dhe 'dhö- -bha kö 'kwa- -nu
-yë kë, 'kwa baa- -nu -bha
'kwa pö 'kwa- -nu dhong,
-wo -da midhiyaa 'gü. 'Wɔn
'dhe 'ö =ya 'to yö -mü =dhe
kö 'kwa -a -nu -yë kë -së
-dede 'ka.

Me =slɔɔ -pë -nu -wɔn

-piöga -ma -sü -wɔn

-A yi 'në 'bha =ya 'Kɔ "gblüglü -nu 'ö 'wɔn
=gwëë kwaa- "Kɔdivua -së 'dhe bha 'ö -gban -a -nu
ya 'gü, 'wɔn 'ö -gban -piöga -bha -wo -yaaga. -A
-ma -sü -bha 'ö "Kwi -blëesü -sü -mü telekomö
'dhö- -dhe telefnö bha, -a 'ka. Yö =në telefnö 'dhe 'ö
kë -sü =ya kë 'në 'bhawo -së. 'wo - -ya 'kɔɔdhö bha, -a
Ü -mɔɔ -a -bha 'ö 'ü ü -wɔn -yö -gban -a -bha. -A
bha =dhicɔ -kë ü bha me -A =ple 'ö 'wo to wo -mü
dhe "vaandhö =taayöma. telesedhö waa- Orangziö
'ka. Wo -zë -a 'dhe 'ö 'wo- =nëng wo 'tu -bha 'wo
dhiang zë- 'gü 'wo -ziö 'ka
bha, =në -a -wɔn 'dhö -gban
-a -nu -bha.
'Pë -nu 'ö 'wo bha yö
=në "tüng 'ö ya- 'gü, wlüü"
-në -nu 'wo 'wëë- =slɔɔ sië-
'gü. =Ya kë "dhü kö kwa
-mɔɔ -a -bha 'ö 'kwa kwaa
'në -nu faan do -a -nu kë -sü
-bha; 'yö -kë =dhe kwa -ta
'kun -dhe 'bha -nu 'dhö. -A -
gen -mü =dhe -wo -mɔɔ -a -
bha 'ö 'wo wo -dega -bha
'bluu- 'kplü sɔng =slɔɔ- 'gü
'ö 'waa -fëe -ya wo 'kpɔ -me
'ö 'wo -kë kwa 'ka, kwa
-bha 'gbë.

'Wɔn 'ö -gban -dheng -nu -bha wo dhɔɔbhaadhe -ga -sü -bha

-Dheng -nu 'ö 'wo go "se "wëe -nu
'gü 'ö nu -naa wo dhɔɔbhaadhe -nu
'ga kwa -go "se 'gü 'ö "Kwi 'dhö -a -nu
-dhe turistë bha, =wa nu -kwaa -dhe
"bhtbht -nu -ga -dhe 'gü, -yö -kë 'wëë-
-da -sü 'ka -kwaa "se 'gü. -A -gen -mü
=dhe -wo 'pë -nu 'ö 'wo- -nu -pëkë
wo -kɔ "dhiü, 'ö 'wo- -nu -kë -gaga -
nu, gbë" "se -nu, waa- pë "wëe 'bha -
nu 'ka, -wa -nu -dho 'gbë -dedewo 'ö
'wo dho 'ka wo -go "se -nu 'gü. -Kwaa
"se ya- 'gü, "kwi -pö zii 'ö -kë Basamö
'ka Biya -dhe "sɔɔ -kɔɔyi "dhiü bha,
"Maadhɔɔ ziando 'ö "kwi 'dhö- -dhe
=sangmödi bha, -dheng -nu bha -wo
-nu -a 'ka -dedewo pë -sësë -nu -ga.
Kwaa- "se 'gü -me 'bha -nu -dede -wo
-nu 'pö -dhe -nu -ga -dhe -nu 'gü. 'Wɔn
bha -a yaa -dhe 'ö- -bha -yö -mü =dhe -
a 'gbë -dhe =ya kë "dhü 'yö gɔɔgbumë -
nu, 'wɔn yaa kë -me -nu -wa -dheng -
nu bha -a -nu sëëbho, -waa -nu
=kwaan. =Ya kë "dhü 'wɔn -kë 'flëë-
'gü -sü 'yaa kë -dheng bha- -nu -go. -
A -kë "dhü -sü bha 'yaa kë kwaa- "se
ya -a 'tɔ -së 'ka. 'Yaa yö -zë 'ka, 'me -nu
bha -a -naa -dhe -nu -ga -sü, pë 'dho -
sü, -yö 'wëë- -nu kwaa- "se -dhe. Kö -
dhe -ya -bha kö kwaa- -dhe -nu 'ö -
dheng -nu 'wo =mɔɔ- -bha 'ö
'wo- -nu -ga bha, 'kwa- -nu -wɔn
'kun -së -dedewo.

'Wɔn 'ö -gban -potaasü -wɔn -bha.

'Ko -zë 'taa- "kpea 'ka -sü

'Taa- "kpea mü -sü 'ö mebhü-
'bha -nu -go =dëe -ya ziö -naa -dede 'gü.
"Këe -"segɔ -nu 'ö 'wo "kpungtaa
'yënn- -wo -zian 'ka "sia- =yën me -kɔ -
së 'gü "pëen 'ka, -a -nu -bha fiëë 'në
'bha =ya kë. -A -gen -mü =dhe 'me -nu
'ö 'wo -kë -a 'taa- bha, -a -bhlää 'kpɔ
-me -nu 'ka =dhe -kɔ 'ö 'kwa "kaflu -
dhe -nu, =kakao -dhe -nu kpɔ- 'ka 'dhö
bha, -wo kë dhiang -zë -a -nu -dhe
-dedewo 'ö 'wo wo =kwaa -a -kë "dhü
-sü -zü. =Dhe 'ö -kë "dhü 'yö 'wo- -nu
gba 'wëë- 'ka 'dɔɔndhö kö -wo tapë
"wëe -ke kë. Do 'ö 'kwa wo =dëe "pëen
'dhe bha, 'taa- "kpea fiëë =ya kë -a -nu
"piü mü. 'Me -nu 'ö 'wo -kë =dhe 'ko -
zë 'taa- "kpea 'ka -sü -yö -gban -a -nu
-bha "kpungtaa bha, -wo kë dhiang do
bha- -zë "se "wëe 'dhe -nu 'ö 'wo to 'pö
-a -nu 'gü =dhe 'me -nu 'ö -a -nu -bha
fiëë =ya kë bha- 'dhö, "këe 'yii kë kë
-dan "kwëë -wɔn 'ka. 'Sëedhe -nu 'ö
'wo- -kë -kwe -bha "ni 'ö yë bha 'ö 'dho
sië "dhiü "iin 'ö 'yaa 'dho sië "dhiü kö

'wo- -naa do bha, 'yö 'wo 'yaannu 'wo -a -nu -ga. 'Yö 'wo 'wɔn =sɔɔ- 'gü =dhe "segɔ "wɛɛ -nu 'ö 'wo to "kpungtaa bha 'wii kɛ 'wɔn bha- 'gü ma =kö. =Dhe 'ö -kɛ "dhü 'yö =zang -nu 'ö 'wo 'ko -zɛ 'taa- "kpɛa 'ka "dhü bha 'wo wo 'ko -dee 'bha yö kö 'wo 'ko zɛ -kɔ "wɛɛ 'sü 'taa- 'ka. -A -wɔn 'gü Zangvie 'ö -kɛ "su -blɛɛsü 'ka -kwe 'gü, 'ö -ziö ya, -a -dhekpacyi -kaɔng -yaaga (30) -naa bha, "kwi -gɔmɛ 'kpɛi- 'bha 'ö 'wo- -dhe Antonio Maria Rosta 'ö -kɛ "segɔ -nu 'ö 'wo "kpungtaa, -a 'dhe -nu 'ö -nu -kɔ 'dhö 'wɔn doseng -bha, 'ö 'wo wo 'ko

-wo 'gü ma, 'wo- -nu -dhe "kwi -wo 'gü (ONUDC), -a -nu -bha didhetɛɛ 'ka, 'yö 'tɔng- -ya "kpungtaadhe -to "dhü -sü =gban 'gü 'taa- "kpɛa -wɔn "gbluu "piü . 'Yö- pö =dhe mɛ "pɛpɛ 'ö 'wo -kɛ -a -ke kɛ -mɛ -nu 'ka, -a "dhɔɔ do -mɛ -nu, "iin -a mü -mɛ -nu 'ka, 'mɛ "uu 'mɛ 'ö =zang -nu 'wo dho- 'kun- 'taa- -wɔn "gbluu "piü, -wa -mɛ -da -kaso 'gü.

Ü -kɛ -dhe "uu -dhe 'kö- 'gü "kpungtaa, 'ü 'taa- "kpɛa sɛennɛ -ziaan mü 'ö 'wo ü kun, -wo ü -da -kaso 'gü. =Ya kɛ "dhü kö 'mɛ -nu 'kö 'wo- -bhlaa kpɔ kö -yö -dho kɛ -a -nu -bha "gbu -

dedewo. -Kwaa do =dhe 'taa- bha -yö mɛ -see 'ö mɛ -kɛ -tamamɛ 'ka. =Ya kɛ "dhü kö -kwa kwa 'gü do "gbu- kö kwa =gloo -kɔ -yö kɛ -sɛ -dhe "uu -dhe 'ö 'kwa- -bha -a 'gü. -Kwaa kɛ -sɛ kö kwa -gɔ -to 'gü -wɔn 'ya 'dho kɛ- kwa dhɔɔbhaa -wɔn 'ka. Didhetɛɛ bha -ya -pö =dhe 'mɛ 'ö- 'taa- -bhlaa 'dhö- -nu -gɔ, -wa -naa 'bhlaa- =gban see-. 'Mɛ 'ö- -dhe "gblügbü 'dhö- -nu -gɔ, -wo -dho -a -nu gba 'wɛɛ- 'ka kö -wo woo- yɛ "wɛɛ kɛ- 'gü.

'Wɔn 'ö -gban troo -nu -bha mɛ wɔnkɔ -nu 'gü

Metii "sɛ, ü -dho "gbla- "tüng -mɛɛ 'gü ?

Metii "sɛ ü -dho "gla- "tüng -mɛɛ 'gü bha, 'sɛɛdhe do 'bha 'to -mü. 'Mɛ 'ö- -bɛn zɛ -wa -dhe Zozefu "Ki Zɛɛbo. =Klang- "gblügbü -nu 'ö 'wo Nivɛɛsite, -a -nu -gɔmɛ do -mü. 'Wɔn 'ö -gban -kwe -zlan -nu -bha "kpungtaa 'yö =klang- -nu bha -a -nu =draan- 'ka. 'Sɛɛdhe bha -a -bɛn -yö zɛ -sü 'ka "Kwi -wo 'gü. Zozefu -bha dheɛ" 'kpɔ bha, dheɛ" 'kpɔ -bhaasü,

"kɛɛ =bhlɛɛsü -mü. -Ya -zɔn kwa -dhe 'sɛɛdhe bha- 'gü =dhe Metii "sɛ -to "dhü -sü -bha "dhiɛng 'ö dho "dhiü bha, 'pɛ 'ö mɛ zuɛ" "dhiü =tɛɛ yö -mü. -A -gɛn -mü =dhe 'kwa -dhe -ga =dɛɛ -dhe =gban "pɛpɛ 'gü Metii "sɛ -to "dhü -sü 'gü, "dhi -naa 'ö 'nɛ 'kpɔ -mɛ waa- ö gbö =zinng 'gü, -a 'dhe 'ö -Zlan 'gü -mɛ -nu waa- "Mɔɔ- sɛɛbho -mɛ -nu =zinng 'gü, 'ko, -gblü 'ö "sɛ

do 'gü -nɛ -nu =zinng 'gü, -a 'dhe 'ö "segɔ =plɛ =zinng 'gü, pɛ "pɛpɛ -nu 'ö 'wo bha, =nɛ 'ö =wa 'sɔ. "Kɛɛ kɛ 'ö- wo "dhü bha, -a 'bha -nu =wa kɛ, 'mɛ -nu 'ö 'wo go "sɛ -ziaan "wɛɛ -nu 'ö 'waa Metii "sɛ 'ka, -a -nu 'gü, =nɛ 'ö 'wo nu "dhinaa -nu bha- -nu 'ka. -A 'bha -nu -gɛn -yö -gban tapɛ -nu 'ö 'wo -kɛ "kaflu -nu, =kakao -nu, yɛɛ" -nu, "klɛɛn -nu, "gwɛɛ -nu, -a

sɔng -kɛ 'ya- -sü -nu -ta. -A "wɛɛ 'bha -nu -mü, 'wɔn -kɛ -de 'flɛɛ- 'gü -sü 'ö 'yaa kɛ 'ö- wo mɛbhu- -nu -gɔ 'wɔn -nu 'gü, -a 'ka.

Zozefu -yö Metii -nu kwa -zo -bö =dhe 'kwa dhi kwa 'ko -dhe. -A -gɛn -mü =dhe 'kodhi =ya "pɛ 'yö goo 'dhö ö -wɛɛ =sɔɔ. 'Kwa dhi kwa 'ko -dhe -dedewo 'wɔn 'yaa 'yii dho ö -wɛɛ yö- kwa =zinng 'gü.

"Yu -wɔn

"Kwi gɔn do -waa Metii do =nɛ 'ö 'wo -kpan wo 'kwɛɛ -Buakɛɛ -dhekpacyi do 'ka =tabedhi (-waa pö "dhü kö -wa -pö 'taablɛ "kwi -wo 'gü) do -bha pɛ -bhödhe 'gü. 'Ö gun "dhü bha kö mɛ 'gbɛ -dede -wo mü. -Aga 'yö 'wo gun pɛ -bhö siɛ. -Tɔ -yö -gun "tuɔ 'gü. -Tɔ bha 'yö Metii bha 'ö -ya -a ga 'wü -sü -bha ö "sɔn 'ka "we wlɛn" wlɛn" dhö 'ö- -bhö. 'Yö 'wɔn bha 'yö ma "Kwi gɔn bha- 'ka, 'yö- pö: << Yi -zɛ 'ö yi -gɔ "sɛ 'gü, 'gben-

-nu =nɛ 'ö 'wo wü ga -bhö =dhe -kö 'ö 'ü- kɛ siɛ bha- 'dhö. >> Metii bha 'yii dhiang 'bha zɛ. =Dhe 'ö woo wo bo pɛ -bhö -sü 'ka, 'yö pɛ -kpa -mɛ 'ö nu -a -nu -dhe "dhe 'ka kö -wa ziö pɛ =bheɛ -ta. "Dhe bha -wa -dhe "kwi -wo 'gü saladö. Metii bha 'yaa gun- -bhö siɛ, 'yö "Kwi gɔn bha 'ö pö- -dhe: << -Kwa saladö -bhö -dhe ! >> -A -zo -ya 'ka 'yaa gun yöö- pö "dhü; kö Metii bha -yaa pö- -dhe: << Yi -zɛ 'ö yi -gɔ "sɛ 'gü, -bho -nu, "bhlaa -nu ,

-du -nu, wü -nu, =nɛ 'ö 'wo "dhe -bhö. >> -Ya -pö "dhü ö faan =gban "pɛpɛ 'ka. 'Mɛ -nu 'ö 'wo gun 'mü bha 'yö- -nu =gban 'dhö -ya "yu 'to -sü -bha. "Kwi gɔn bha 'yii kɛ =mɔɔ- -bha kö -yö dhiang 'bha zɛ 'pö.

"Se -yö do "kɛɛ -a -ta -wɔn 'yaa do kwe" -mɛ -nu.

=Kesi

Dhifɔngsü

"Gwüŋg

Kwa dɛ -nu -wa -pö =dhe : << -Bho 'ö dhe 'ö -a -bhö, 'yö -a -bha 'nɛ 'dhö -a -bhö. >>

"Kwi -wo =ya kë ü dhöbhaa -pë 'ka "tüng =gban 'gü, 'bha -a pö ü bha 'në -dhe, -yö kë 'pö ü "yaan 'ka =dhe ü bha 'në =ya kë 'kpii- kö "Kwi -wo =në yöö kë -a dhöbhaa -pë 'ka. Yö =në- -wön 'gü, 'yö- -dhe 'dhö- -bha

kö ü -de -wo -dhö -yö ü kë kö- -dhö -yö gun ü bha 'në kë -naa.


-A -zon -a -dhe =dhe me -de -wo bha -yö =dhe me -de 'kpo -me 'dhö. -A yaa 'yaa 'dhö. =Ya kë "dhü kö ü -de -wo 'ya 'dho kë ü 'gü 'ya-.

Pë -Wlangda -sü

"Su 'ö -kë kwa -wo 'gü 'kplö ('Danneng -wo 'gü) 'ka 'ö "Kwi 'dhö- -dhe Juin bha, -a -dhekpacyi -kaong do 'ö ga do (11) -naa bha, -kolookota 'ö -kë ONG Projet Dan 'ka, 'ö yö nü 'ö kwaa- 'sëedhe -nu 'wo -kë -Zlan -wo 'sëedhe, -kwe -zlan 'sëedhe, me =klang- -kë -bha 'sëedhe -nu 'ö -da 'ka -a 'gbe "wëe 'bha -nu -bha, -a -nu -ben zë

kwa -de -wo 'gü bha, -yö 'me "pepe 'ö 'kwa -kë =Danwo pö -wo pö -me -nu kwa 'ka -dhe "uu -dhe 'ö- 'gü 'k÷divua -dhe -zë -a 'gü, kwa -dhe -sü 'ka 'Biya, -dhe 'ö -kë 'sëedhe suu =gban -wo pö -dhe 'ka, 'ö 'wo- -dhe bibliotekö nasiongnadhö bha, -a 'gü, "dhedhe "suisiö -naa 'ka dhia" "piü. -Kwa kwa 'gü do "gbu- kö 'kwa 'dho kwa -de -wo =kzon -dhe 'gü.

Pë "bin =ple ya -a -nu -ga -së -dede 'ka. -Wo -bho wo 'kwëë-, "këe -a do -zë 'ka -dhe "saaga -ya -bha. -A -nu



'Ka ka bo 'sëedhe ya- -wo pö -sü 'ka, 'wön 'bha =ya kë ka -go kö 'ka pö yi -dhe, -ka 'sëedhe kë kö 'ka bo. Yii- 'dresü -mü 08 BP 857 Abidjan 08 'ka. Tel. 22.43.12.72.

'Me -nu 'ö 'wo 'sëedhe 'ö ya- -kë, wo -mü =Sai Zoziasü , "Dhögbo Zafe, =Kesı Mıyan Dhifongsü, Valangten Vidrinö waa- Edhena Pedhekwalösökaya 'ö- -nu =gban =ple 'wo go Dhusi 'ö -da "Anesü 'ö go 'Suisü , -a -nu 'ka.